



LE GOUVERNEMENT  
DU GRAND-DUCHÉ DE LUXEMBOURG  
Ministère de la Famille, de l'Intégration  
et à la Grande Région

Luxembourg, le - 3 MAI 2019

Réf. 2019/ 3449

Dossier suivi par :  
Dominique Faber  
Tél : 247 86540

CHAMBRE DES DÉPUTÉS  
Entrée le:

03 MAI 2019

Le Ministre de la Famille et de l'Intégration

à

Monsieur le Ministre aux Relations avec le Parlement

**Concerne :** question parlementaire n° 592 de Monsieur le Député Marc Goergen.

Monsieur le Ministre,

J'ai l'honneur de vous faire tenir en annexe la réponse commune du Ministère de la Famille, de l'Intégration et à la Grande Région et du Ministère de la Santé à la question parlementaire n° 592 de Monsieur le Député Marc Goergen, en vous priant de bien vouloir la transmettre à Monsieur le Président de la Chambre des Députés.

Veuillez agréer, Monsieur le Ministre, l'expression de mes sentiments respectueux.

Le Ministre de la Famille et de l'Intégration

Corinne CAHEN

**Äntwert vun der Ministesch fir Famill an Integratioun an dem Gesondheitsminister op d'parlamentaresch Fro n° 592 vum Här Deputéierte Marc Goergen**

---

**1) + 2)**

Et handelt sech bei de 17 Leit em déi Verstuerwen aus dem „milieu du sans abrisse“, un déi am Kader vun enger reliéiser Zeremonie, déi all Joer gehale gëtt, geduecht gouf. Donnéeë komme souwuel vun Organisatioune wéi vu Privatpersounen déi e Bekannten oder e Frënd verluer hunn. Medezinesch Grënn vun dese Stierffäll sinn domadder net disponibel.

Wann des Leit och all aus dem Milieu vum „ sans abrisse“ koumen, heescht dat net, dass si, am Ament vun hirem Dout, ouni Daach iwwert dem Kapp waren oder op der Strooss verscheet sinn.

Nieft den allgemengen Doudesursaache muss ee bei dese Mënschen dovun ausgoen, dass et an enger méi grousser Frequenz Doudesfäll ginn am Zesummenhank mat enger Ofhängegkeet (Consummationsverhalen, spët Nowierkungen) an engem méi freit „Al ginn“ als Konsequenz vun engem net stabille Liewenswandel, enger schlechter Liewenshygiène a wéineg oder kengem regelméissegen medezinesche Suivi bei akuten a chronische Krankheeten.

**3)**

Den Aktiounsplang géint de sans-abrisse ass e wichtegt Instrument an e gëtt eis e Kader an deem mer eng ganz Réi vu Measure scho geholl hunn an och nach wäerten huelen.

Esou huet de Ministère fir Famill, Integratioun a Groussregioun, an Zesummenaarbecht mat ëffentlechen a privaten Acteuren, an de leschte Joren eng ganz Rei vu neie Measure geholl. De „service premier appel“ ass e wichtegt Element, well et déi éischt Plaz ass, wou Leit, déi op der Strooss liewen, a Kontakt mat soziale Servicer komme kënnen. Donieft sinn zwou „haltes de nuit“ an der Stad opgemaach ginn, wou Leit déi op der Strooss liewen an der Nuecht kennen ënner Daach sinn; de „Café Courage“ ass geschafe ginn, wou d'Leit am Dag kënnen higoen an eng ganz Rei vu Servicer ugebuede kréien. D'CFL hunn am Gebai vun der Gare de „Parachute“ opgemaach, wou d'Leit gehollef kréien, andeems, dass se bei déi eenzel Servicer déi se brauchen orientéiert ginn.

4)

De Ministère fir Famill, Integratioun a Groussregioun wäert weiderhin alles drusetzen, fir, zesummé mat senger Partner, de Leit déi an enger Noutsituatioun sinn, ze hëllefen. Esou ass virgesinn, déi Offer vun den "haltes de nuit" nach ze erweideren an ze dezentraliséieren, fir och deene Mënschen eng Hëllef ze ginn, déi sech net an der Stad ophalen.

Hei e puer weider konkret Beispiller:

Mat der finanzieller Ënnerstëtzung vum Ministère fir Famill, Integratioun an d'Groussregioun sinn am Altersheem zu Berbourg Zëmmere virgesinn, fir méi eeler Leit aus dem Milieu vum sans-abrisme ze logéieren, déi Hëllef a Fleeg brauchen.

Och d'Strukturen déi nom Prinzip vum „housing first“ funktionnéieren a Strukture fir jonk Erwuessener wäerten weider ausgebaut ginn. Generell wäert de Ministère och mat den Organisatiounen weider schaffe fir zousätzlech Better ze schafen.

Am Wanter 2019/2020 mécht de neien Nuetsfoyer vun der Wanteraktioun seng Dieren op. Bei der leschter Wanteraktioun 2018/2019 war den aktuellen Nuetsfoyer ni komplett besat; Statistiken weisen e Réckgang vun den Iwwernuechtungen an der Wanteraktioun an deene leschten 2 Joer.

Bei enger Rei vu Leit ass de Risiko fir keen Dach iwwert dem Kapp ze hunn d'Konsequenz vu psychiatreschen- oder Ofhängegeektskrankheeten.

Dofir probéiert de Gesondheitsministère Léisunge fir des Leit unzëbidden iwwert Konventiounen mat verschiddenen Associatiounen wei ënnert anerem :

- Médecins du monde
- Fondation Jugend- an Drogenhëllef
- Centre National de Défense Sociale
- Croix-Rouge Luxembourgeoise – Service HIV Berôdung
- Stëmm vun der Strooss
- CHNP – Foyer Post-cure
- ARCUS – Quai 57
- Ligue Luxembourgeoise d'Hygiène Mentale
- Réseau Psy- Psychesch Hëllef Dobaussen
- Liéwen Dobaussen
- ATP (Association d'aide par le travail thérapeutique pour personnes psychotiques asbl)
- Mathëllef asbl
- Caritas Accueil et Solidarité – Atelier thérapeutique Ehlange.

Iwwert esou Konventiounen mat Associatiounen kréien obdachlos Mënschen Accès zu gewësse Servicer wéi z.B.: Centres de consultations, Foyers de jour, Centres de rencontre, medezinesch Versuergung, Méiglechkeeten fir eng Moolzecht, lesswueren, Kleeder an Duschen ze kréien, Wunne Méiglechkeeten (vum Foyer de nuit ABRIGADO, bis zum betreite Wunnen) an encadréiert Aarbechtsplazen an den Ateliers thérapeutiques.

Dës Strukture ginn och an Zukunft kontinuierlech ausgebaut.